

雷波廳志卷之十

津梁志

莫莫高山溪水環曲驚湍急流行旅裹足大江湯湯
一葦難杭徘徊古渡徒嘆汪洋君子為政民不病涉
淺則輿梁深則舟楫利賴千載功成十月安行坦途
商賈毋懾志津梁第十渡口附焉

天生橋 在城南十里兩山相合上實中空其象穹窿
如梁百尺下有石筍二傍崖矗立若為砥柱
後山龍洞泉即由此流合金沙江水聲滔滔日夜不
絕路通烏角千萬貫
觀音橋 在豆沙溪長五丈餘覆以瓦屋嘉慶十二年
建

雷波廳志

卷之十

津梁

一

龍門橋 在城東十五里豆沙溪上

鐵鎖橋 在城南五里迴波塔下

朝陽橋 在牛吃水場外覆以瓦屋嘉慶十一年建

鎮海橋 在黃螂市中上建橋樓乾海子之水由此流
出乾隆四十三年建

護海橋 在海腦壩場口

象鼻橋 在李子坪

天星橋 在城東牛吃水地兩岸石崖相近空闊六七
丈儘先把總吳京年等募貲建修石洞橋一座

獅子橋 在牛吃水左

吳家橋 在牛吃水右

桂香橋 在城東一里嘉慶十五年建

高石橋 在野鹿壩距城一百二十里

漂水橋 在雙龍壩距城八十里

永盛橋 在天姑密場口

興隆橋 在天姑密場一里

太平橋 在天姑密場二里

通濟橋 在城南二十里那比汛地即泰沙河也路

來要道每當山水漲發常有漂溺之患署參府謝征夷經此深憫其艱因商廳主秦籌款建修監生唐朝崧捐錢四百釧職員甘師禹捐銀一百兩廳主秦親臨閱視察其水勢地形建石洞橋二座小洞長一丈

雷波廳志

卷之十

津梁

二

二尺大洞長二丈八尺命廳紳楊寶林陳世瑞李景江吳宗禹署那比汛把總蕭照元等監修光緒十七年冬月興工十八年六月工竣自此無漂溺之患往來皆稱便頌德焉

渡口 附

溪落渡 在廳東五十里額設渡船一隻水手二名

橈夫四名 每名每日支銀三分

鄧溪渡 在廳東二百里額設渡船一隻水手二名

橈夫二名 每名每日支銀三分

燕子渡 在廳南十五里 以下均義渡

那比渡 在廳西南十五里

鍋圈灘渡 在廳東南七十里

沙灣渡 在廳東南一百四十里

柑子林渡 在廳東南一百八十里

撒水壩渡 在廳東南二百里

太平渡 在廳東一百四十里

獬子村渡 在廳西南一百二十里光緒癸巳秋九

月秦主親赴獬子村開設場市籌款修造渡船一隻
命該鄉當事糧民推運以濟行人